



Broj predmeta: 13-000458/24
Broj akta: 01.1-1528ZN-0038/24
Datum, 25. 7. 2024.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 27/23 - prečišćeni tekst,) u skladu s članom 25. Zakona o javnim nabavkama («Službeni glasnik BiH», broj 39/14 i 59/22), člana 10. stav (1) tačka b) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Izmjenu i dopunu Zapisnika o pregledu i ocjeni ponuda sa preporukom Komisije za javne nabavke broj: 13-000458/24 od 10.7.2024. godine i Mišljenja Pravobranilaštva Brčko distrikta BiH broj: M-738/24 od 22.07.2024.godine, gradonačelnik Brčko distrikta BiH d o n o s i,

ODLUKU O IZMJENI I DOPUNI ODLUKE O IZBORU NAJPOVOLJNIJIH PONUĐAČA

BROJ:13-000458/24, BROJ AKTA:01.1-1149AD-0019/24 OD 18.6.2024. GODINE

Član 1.

(1) U čl. 1. Odluke o izboru najpovoljnijih ponuđača po provedenom otvorenom postupku, međunarodni vrijednosni razred, za nabavku radova za potrebe Kancelarije za upravljanje javnom imovinom – 7 lotova, briše se u stavu (1) tekst koji se odnosi na dodjelu ugovora ponuđaču „Astra Plan“ d.o.o. Brčko za lotove 2 i 5 u cjelosti i sada se Lot 2 dodjeljuje ponuđaču „GRADITELJ“ d.o.o. Brčko tako što se ispred teksta za Lot 6 dodaje tekst:

„Lot 2 - Nastavak radova na objektu FK Gređice i KUD „Vasilije Ostroški“ u MZ Gređice“ Grčica
Vrijednost ugovora sa uračunatim PDV-om iznosi **163.593,38 KM.**“

U stavu (1) Odluke o izboru najpovoljnijih ponuđača dodaje se tekst:

„Naziv najpovoljnijeg ponuđača za Lot 5 je „LIŠIĆ KONSTRUKCIJE“ d.o.o. Brčko.
Lot 5 – Uređenje dječijeg igrališta parcela 3051/17 (klupe, reflektori i koš za igranje košarke)
MZ Novo Brčko
Vrijednost ugovora sa uračunatim PDV-om iznosi **9.699,30 KM.**“

Obrazloženje

U provedenom postupku nabavke je donesena odluka o izboru najpovoljnijih ponuđača i najpovoljnijim ponuđačima je dostavljeno obavještenje o dodjeli ugovora i obavezi dostavljanja kvalifikacione dokumentacije u roku od sedam dana. Ponuđač „Astra plan“ d.o.o. Brčko je dostavio dokumentaciju u roku i komisija za javne nabavke je izvršila analizu dostavljenih dokumenata i između ostalog, je ponuđač dostavio uvjerenje Uprave za indirektno oporezivanje od 18.6.2024.

godine za dokazivanje izmirenih dospjelih obaveza u vezi sa plaćanjem direktnih i indirektnih poreza što je bilo zahtijevano tačkom 5.1.4. tenderske dokumentacije. U uvjerenju je bilo navedeno da postoji dug po osnovu plaćanja zatezne kamate. Kao dokaz o uplati direktnih poreza ponuđač je dostavio uvjerenje Direkcije za finansije Brčko distrikta BiH od 18.6.2024. godine u kojem je navedeno da na osnovu duga po sporazumu o odgođenom plaćanju na dan 18.6.2024. godine, nema dospjelih, a neizmirenih obaveza, a da dug dospijeva na plaćanje 1.7.2024. godine. U uvjerenju je navedeno da ovaj poreski obveznik osim duga po sporazumu, na dan 18.6.2024. godine ima dospjele neizmirene poreske obaveze po osnovu poreza na dobit, poreza na imovinu i po osnovu troškova poreske uprave. Komisija za nabavke je na osnovu navedenih činjenica u uvjerenju zaključila da ponuđač nije ispunio zahtjeve iz tačke 5.1.4. pod d) tenderske dokumentacije i u skladu sa kriterijem najniže cijene dostavila preporuku o izboru drugorangiranih ponuđača kao najpovoljnijih ponuđača za lotove 2 i 5 u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.



DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Kancelariji za upravljanje javnom imovinom,
5. Arhivi.